

Oso epe laburrean arre edo so, aurrera edo atzera egin beharko du Ataungo (Gipuzkoako Goierri) udalbatzarrak. Erabaki bat hartu beharrean daude Herrigintzako, EAko eta HBko ordezkariak: Enirio-Aralarko Parke Naturalaren magalean, Lareoko urtegiaren inguruan, Marumendiko basoan turismo-gunea bat eraiki bai ala ez. Esku artean duten proiektuaren alde onak eta txarrak aztertu ondoren eta azken erabakia hartu baino lehen, kontuan izango dituzte herritarrek zein erakundeek udaletxera bideratu dituzten iritzia, Aitor Auzmendi alkateak ziurtatu duenez.

Testuak: Alazne Iturriotz


Ekoturismoa ala turismoa?

I railarekin batera zabalduetako eztabaida fasean, proiektua aurkeztu eta iritzia eskatu zitzaieen ataundarrei, bai eta gaiarekin zerikusia duten elkarte eta erakundeei ere, hala nola GOIEKlri, Ur Partzuergoari, Gipuzkoako Diputazioko Mendi eta Nekazaritza Departamentuari, Jaurlaritzako Turismo Sailari, ENBA eta EHNE nekazari erakundeei eta Eguzkiko ekologistei. Horrekin batera, enkarguzko bi ikerketa agindu zituen Udalak; bata, proiektuaren bideragarritasun edo garapen sozioekonomikoari dagokiona, LKS enpresari, eta, bestea, etxola turistikoak eraikitzeak ingurugiroan izango lukeen eraginari dagokiona, IKTri.

«Azterketa fase batean gaude orain. EHNE, Eguzki eta Aralar Izadi kontra agertu diren bezala, GOIEKI, Ur Kontsoltzioa, Diputazioa, Jaurlaritzako Turismo Saila eta beste hainbat erakunde alde atera dira, eta partikularren artean ere era guztietako iritzia jaso ditugu. Horiak denak kontuan hartuta erabakiko dugu».

Herrigintzako -independenteak- Auzmendiarentzat, garrantzitsua da proiektua kontestualizatzea, herriaren egoerari begiratzea alegia: «Azken 30 urtean 1.000 biztanle galdu ditu Ataunek, eta lanpostu bakar batzuk sortu diren arren, galdu gehiago egin dira. Eta, nik uste, herriak bizirik iraun nahi badu, ezinbestekoa zaigula ogibide batzuk sortzea. Proiektu hau aurrera ateratzen ez bada, beste proiektu batzuen bidez, baina ezinbestekoa da herrian ogibideak izatea». Arlo horretan ari dira lanean, Marumendiko proiektu turistikoarekin batera bizpahiru proiektu bultzatu nahian: ura botilatzeako Andurion ezarriko duten planta eta industrialde izateko izendatu duten orubearen garapena.

Halaber, Ataungo alkateari azpimarragarria iruditzen zaio honako hau: etxolak lur publikoetan, herriaren lurretan egingo liratekeela, eta inbertsioa pribatua izango litzatekeela. «Planteatzen da 600 milioi pezeta inguruko inbertsio bat. Udalak ekonomikoki ez luke inongo arriskurik hartuko bere gain, baina kontrola Udalarena izango litzateke, enpresarekin ustiapen baldintza batzuk ezarrita eta hainbeste urteko lagapen bat hitzartuta. Hori garrantzitsua da, proiektua non kokatuko litzatekeen jakindak».



Goierriko hainbat herritako ur-hornikuntzarako erabiltzen da Lareo, eta, isuririk izan ez dadin, urtegiaren babes eremutik kanpo egin nahi dituzte etxola turistikoak.


ANDER GILLENEA

Naturgune babestua

Naturgune babestuan kokatuko litzateke. Enirio-Aralarko Natur Baliabideen Ekintza Plana urteak direla burutu zuten Aranzadi-koek, Enirio-Aralarko Mankomunitatea eratzen duten herrien eskariz, eta 1996-99ko epeko Natur Baliabideen Erabilera eta Kudeaketa Plana onartuta dago; bi araudi horietan ez da inondik inora aurreikusten jarduera turistikorik. Aurreproiektu zirriborroaren kontra aurkeztutako alegazioetan, horixe nabarmendu zuen bereziki EHNEk: «Aralar naturgune babestu izendatzeko arrazoi nagusia, bertako natur baliabideak babestea zen, eta planteatzen den proiektuak arriskuan jartzen du natur baliabideen preserbazioa».

Ataungo udal ordezkariak jakitun dira gizakiaren eskuak edo zer gauza egiten duenean, edo zein lekutan egiten duen ere, horrek ingurugiroan eragina badaukala. «Halakoetan kontua izaten da aztertzea eragin hori zenbaterainokoa den, muga kritikoa gainditzen duen edo ez duen, eta eragina murrizt daitekeen ala ez», Auzmendiaren hitzetan. IKTri agindutako ingurugiro txostenak hori aztertu du hain zuzen, proiektuak faunan, floran eta, bereiziki, ur baliabideetan izango litzatekeen eragin kaltegarriak nola murriztu.

ETXOLA TURISTIKOEN KOKAPENA



Ezaugarri nagusiak

Adour etxegintza enpresak Ataungo Udalari aurkeztutako Euskal Herriko Hotela egitasmoan, honako ezaugarri nagusi hauek jasotzen dira

- ✱ **Urkillagatik** gora Lareora doan bidea pista da. Honek pista izaten jarraituko luke. Autoa pasatzeko oso gaizki dauden lekutan bakarrik egingo lirateke hobekuntza batzuk. 65 aparkaleku aurreikusten ditu, eta horretarako ez da zuhaitzik bota behar.
- ✱ **Ataungo** herri lurretan dago Marumendiko basoa, hotel-gunearen kokalekua. Pago gaztea sortzeko eremua da egun. Pago artean integratuko lirateke etxolak eta, promotoraren arabera, pago bakar batzuk botatzea nahikoa litzateke eraikinei leku egiteko.
- ✱ **Orotara**, 40 bungalow izango lirateke; 14 etxola bi, hiru edo lau pertsonarentzat; 12 etxola lau pertsonatik seira jasotzeko; 10 etxola 6-8 lagunentzat, eta lau 8-12 lagunentzat. Guztira 256 lagun aterpetzeko lekua.
- ✱ **Jendeari** harrera egiteko etxola handiago bat izango luke sarrean; bulegoaz gain, denda txiki bat, gosaria emateko buffet-a eta garbiketa zerbitzua izango litzuke beheko solairuan, eta goikoan, zaindariaren bizilekua.
- ✱ **Gainerako** zerbitzuak: jatetxea eta taberna. Eta ondare arkeologikoari buruzko argibidea.
- ✱ **Kirol eremuan**, 288 metro koadroko igerileku bat, ura berritzeko sistema eta guzti, eta bi pilotaleku. Goizpasa edo egunpasa doazenezako mahaiak eta azpiegiturak ere izango litzuzke.
- ✱ **Azpiegitura**: generadore bidez lortuko litzateke hornidura elektrikoa, edo agian eguzki plaken bitartez; ur tanke bat eta potabilizazio planta bat; ur zikinentzako fosa asetikoa; eta gasoliozko kaldera, berogailu gisa. ✱

Ur baliabideak, fauna, flora

Goierriko hainbat herriren ur hornikuntzarako erabiltzen den Lareoko urtegitik gertu egongo litzateke turismo-gunea; Aiako Urkillaga gainean hasten den pistan gora goazela, urtegiara iritsi aurretik eskuinera jo eta behe-rantz dago Marumendiko basoa. Ubeiko leizera joaten da bertako ur isuria eta handik, ubide naturalatik, Aiaturrietara, kontsumorako ura biltzen eta banatzen den lekura. Gauzak horrela, etxoletan erabilitako ura Aiaturrietara isuri beharrean Maiozurlora isurtzea proposatzen du IKT-k. «Planteatzen du turismo-gunearen hasierako kokapena zertxobait aldatzea; ez erabat lekualdatzea, goiko mugan zeuden txabolak behe-rantz ezartzea baizik, Lareo eta Ubeiko ubideetatik aparte. Eta egunen batean deskuido bat egonda ere, txabola bateko hustubideak huts egin duela-edo, Lareo eta Ubeiko ez lirateke kutsatuko». Hartara, Maiozurloratik, Lizarraustiz bestaldean dagoen Urzulora eta hortik Agauntza errekarara helduko lirateke turismo-guneko urak, aurrez tratamendu biologiko baten bidez kutsadura %90ean garbituta. «Neurri horiek hartuta, ez da arriskurik zertan egonik eta onargarria izan liteke proiektua», zehaztu digu Auzmendi.

Faunari dagokionez, gaur egun eremu horretan bizi diren zenbait piztia ezingo litzateke bertan bizi, baldin eta eraikina hor egingo balitz. Nolanahi ere, ingurugiro txostenaren arabera, ez luke inolako espezieen desagertaririk ekarriko. «Kontuan izan behar dugu Ataunen 1.800 hektarea pagadi dauzkagula eta sei hektarea hartuko litzuzkeela konplexuak. Horietan bizi den espezieak desplazatu egin beharko du beste 1.800 hektarea horietara».

Flora ere hor da. Gaur egun haztegia da Marumendiko pagadia, landare berriak sortzeko gunea. «Hori galduko genuke, gaur egun duen funtzioa. Hor galtzen diren landare apur horiek beste leku batzuetan errehabilitatzea planteatzen da txostenean». Baina, gainerantz, pagadi izaten jarraituko luke, pago bakar batzuk bota eta txabolak pagadian integratuko liratekeelako.

Lanpostuak eta aberastasuna

Adour S.L. promotoreak landu eta aurkeztutako aurreproiektuak